

Haengrengz Cauxguh Daegsaek Doxhuz Hagdangz

努力构建和谐特色校园

——Geiq Dwzbauj Yen Lungzsangh Cin Cungh-sinhyau Hong Cuengh Gun Song Saw Vah Sonhag

□ bonjbauq gicej Suh Gyahgvai dunghsinenz Luz Gijcungh

Lungzsangh Cin Cunghsinhyau youq 1916 nienz laebbaenz, hagdangz gveihmoz dai iq daengz hung, seizneix hagdangz ciemq dieg menciz gaenq dabdaengz 10593 bingzfuengmij, dieg lauxsae caeuq hagseng ninz cungj-menciz 6530 bingzfuengmij. Miz 15 aen ban, 682 baux hagseng, 41 baux lauxsae, ndawde miz bwnjgoh yozliz 9 vunz, daconh yozliz 24 vunz, aeundaej cunghgiz cizcwngh 35 vunz, lauxsae habgeklwd dabdaengz 100%.

Lungzsangh Cunghsinhyau lai bi daeuj itcig swnciep aen banhhag leixniemh “ingbaengh minzcuz gyauyuz fazcanj bingzdaiz, caepguh bingzan, doxhuz hagdangz”, doeng-gvaq mboujduenh gaijndei banhhag diuzgen, gyagiengz baihindaw guen-leix, daezsang lauxsae suciz, caepguh doxhuz hagdangz, coicaenh hagseng cawjdoengh, doxhuz bae fazcanj, vih ciuhvunz hagseng fazcanj bae caep ndei giekdaej. Doenggvaq roengz-rengz, hagdangz cugboun habbaenz aen funghieq “haengjgangj, gingqnieb, laebdaek, soengqhawj”; aen funghieq lauxsae “laemxsim saehnieb, angq bae soengqhawj”; aen funghieq hagseng “angq hag, gaenx hag, rox hag” he.

Bi 2007, aen hagdangz neix ndaej dingh guh Sawcuengh sonhag saedniemh hagdangz, rap hwnj diuzrap “gaihcanj minzcuz gyauyuz, swnciep minzcuz vwnzva, coicaenh minzcuz doxgiet” neix. Vihneix, hagdangz lingjdauj banhsuj cibfaen yawjnaek, youq baihgwnz lingjdauj gvansim cihciz lajde, hailaeb le goq Cuengh Gun song saw vah sonhag, doengzseiz youq gak goh sonhag ndawde gya haeuj neiyungz minzcuz gyauyuz, lai baez gawjbanh “minzcuz gyauyuz gyangjco”, cujciz hagseng souyawj 《Aenranz Hung Cunghvaz》daengj gaisau minzcuz cihsiz loegsiengq yaemsiengq, son gyoengq hagseng bae liujgaij, aeueiq gak minzcuz fungsug sibgvenq, lizsij vwnzva, cunghgyau sinyangj, gikfat minzcuz swahauzganj caeuq gij saenqsim minzcuz. Caepguh le minzcuz cihsiz senhconzlanz, minzcuz cihsiz canjbanj, guh daengz doz saw caemh miz, doengsug heih rox, yiengq saeseng gaisau le guekgya minzcuz cwngecwz, fazgveih caeuq funghcingz minzsug minzcuz vunznoix, bujgiz minzcuz cihsiz. Doiq gyoengq lauxsae cienmonz dingh’ok beizyangj giva, gujli gyoengqde vaiqdi sughangz rox son. Youq cinsih, beizyin, okbae ngonzyawj hagsib daezhawj daegbied ciuqgoq, aeu gihvei hawj baux lauxsae maenhndei bae baijyienj swheij. Lienzhab saedniemh hagdangz wnq, guh minzcuz gyauyuz goqdaez yenzgiu caeuq gyauyenz hozdung, rengzrwd



▲Aenban lingjdauj hagdangz doxyaeng hong sonhag guenleix.



▲Hagseng nyinhcaen dingq goq doeg saw sij cozyez.



▲Hagseng haengj doeg Minzcuz Bau banj Sawcuengh.



▲Gvanh Gveiliuz lauxsae hwnjdangz gangigoo, hagseng nyinhcaen dingq.



▲Mbawciengj nem rim ciengz, yienghyiengh yienj bonjsaeh.

dwk doicaenh le aen hong Cuengh Gun song saw vah sonhag. Bi 2014, aen hagdangz neix sinhcingj bauq aeu gih gaep gyauyuz gohyenz goqdaez 《Beizyangj Hagseng Mizyx Hagsib Sawcuengh Yenzgiu》. Doenggvaq yenzgiu goqdaez, dabdaengz baihlaj muzdiz: Youq gizdieg minzcuz cabyouq haenx guh miz daegsaek minzcuz gyauyuz, fungfouq ginzcong Bouxcuengh dangdieg, hagseng minzcuz cihsiz; yingjyangj, gyauyuz gyoengq hagseng, ginzcong cugboun liujgaij minzcuz fungsug sibgvenq caeuq lizsij vwnzva, cunghgyau sinyangj Bouxcuengh daengj; sonyinx gyoengq hagseng, ginzcong bae nyinhrox, ndiepgyaez caemhcai bae swnciep gij minzcuz vwnzva maenhndei bonj minzcuz, naengz ciepsouh, haengj yawj, haengjgyaez, hagsib maenhndei yinhyoz caeuq meijsuz cozbij nem diyzuz hozdung bonj minzcuz; doenggvaq yinhyoz, diyzuz, meijsuz daengj gocwnz bae yiengq gyoengq hagseng gaisau siujsq minzcuz yinhyoz, vujdau, meijsuz cozbij caeuq diyzuz hanghmoeg daengj lai cungj lai yiengh haenx, hawj hagseng cugciemh gamjsouh, haengj yawj, haengjgyaez, hagsib gij minzcuz vwnzva maenhndei haenx, cugboun dabdaengz swnciep

muzdiz; cujciz gyoengq hagseng camgya gak cungj minzcuz vwnzva doxdax, hawj hagseng youq ndaw doxdax de mboujduenh demgiengz minzcuz swahauzganj.

Gaenx ganq dawzmak caen hungraeh. Geij bi daeuj, Lungzsangh Cunghsinhyau gonqlaeng ndaej bingz guh yienh, si, swcigih gaep “Vwnzmingz Hagdangz”, lai baez aeundaej ndaw yienh aen cwnghauh “Gyauyuz Gunghcoz Senhcin Danhvei”. Luz Gijcungh yaucangj caeuq Luz Yaubinh fuyaucangj aeundaej “Baksaek Si Maenhndei Yaucangj” gvaq. Vangz Anhwz fuyaucangj youq ndaw hong “Buj Giuj” caeuq “Song Gih” biujyienh ndei, faenbied ndaej yenveij, yen minzminz cwnghfuj nem yen gyauyuzgiz bingz guh “Song Gih Gunghcoz Senhcin Goyinz” caeuq “Senhcin Gyauyuz Gunghcozcej”. Gyaudauj cujyin Cinz Meijsez yezvu suijsingz sang, ak sonhag, lai baez aeundaej yienh maenhndei gyaudauj cujyin cwnghauh, caemhcai ndaej gih gyauyuzdingh bingz guh “Lauxsae Maenhndei Lajmbanj Guengjsae”. Fu’gyaudauj cujyin Liuz Sinhseiz dwg baux sonhag nwnzgsouj ndaw hagdangz, baux daiqdaez guh gyauyenz, sonhag cingzeik maenhndei,

hong gyauyenz cwnghyauq hungloet, gaenq aeundaej “Gvangsijh Siujoyz Suyoz Senhcin Gyauyenz Gungh-cozcej”, “Baksaek Si Maenhndei Banhcujyin”, “Baksaek Si Maenhndei Sausenhdai Fudauyenz” cwnghauh gvaq. Gvanh Gveiliuz lauxsae gangj goq 《Bohlwg Youq Ndw Deihdoengh》 youq daengx gih Cuengh Gun song saw vah sonhag gangj goq doxdax ndawde aeundaej it daengj ciengj, fujdauj hagseng camgya gih byauhcuinj Vahcuengh gangj gojsaeh doxdax aeundaej cijdauj ngeih daengj ciengj; Liz Caizsinh lauxsae goqgienh 《Gij Lwngyez Geq Ndaundeiq》 camgya daengx gih Cuengh Gun song saw vah sonhag dohmeizdij goqgienh doxdax aeundaej it daengj ciengj; bi 2013 Luz Haijfwah lauxsae son diuq gij vujdau 《āāāā》aeundaej Dwzbauj Yen siujhagseng caizyi doxdax ngeih daengj ciengj. Daj bi 2010 gvaqdaej, ndaw hagdangz gyoengq lauxsae gungh aeundaej si, yienh gyauyuzgiz sonhag cizliengciengj 160 lai vunz-baez, hagseng camgya gak gaep gak loih doxdax aeundaej yienh gaep doxhwnj ciengli 260 lai vunzbaez, gyoengq lauxsae youq camgya gak cungj ginwnz doxdax ndawde aeundaej cienghhangh 120 lai vunzbaez……